

中國風土志叢刊

● 嶺外代答

● 嶺表錄異

● 南方草木狀

● 嶺南風物記

● 海語

K 485

◇ 郡縣沿革

◇ 山川改易

◇ 古迹存亡

◇ 風俗演變

◇ 氣候變遷

◇ 鄙事俚語

◇ 人情掌故

◇ 城坊舊聞

南宋·周去非撰

嶺外代答

圖書在版編目(CIP)數據

嶺外代答/(宋)周去非撰.一影印本.一揚州:廣陵書社,2003.4

(風土志叢刊;61/張智主編)

本書與“嶺表錄異/(唐)劉恂撰·南方草木狀/(晉)嵇含撰·嶺南風物記/(清)吳綺纂·海語/(明)黃衷撰”合訂

ISBN 7-80694-007-3

I.嶺… II.周… III.風俗習慣-廣西 IV.
K892.47.7

中國版本圖書館 CIP 數據核字(2003)第 033897 號

《嶺外代答》

《嶺外代答》十卷，南宋周去非撰。清《四庫全書》本。

周去非字直夫，永嘉（今屬浙江）人。隆興進士。淳熙中官桂林通判時，隨事條錄見聞百餘，歸後參照《桂海虞衡志》體例，編成此書。因答問嶺南（即今廣西、廣東一帶）事而作，故名。全書十卷，原書久佚，今本爲清四庫館臣輯自《永樂大典》，分地理、風土、服用等類，共二百九十多條。內容涉及當時嶺南地區的風土民情。《四庫全書總目提要》稱其：「條分縷析，敘述爲詳。」書前有淳熙戊戌（1178）周去非原序。

欽定四庫全書

嶺外代答目錄

卷一

地里

邊帥

卷二

外國上

卷三

外國下

門原
脫標題

嶺外代答

欽定四庫全書

卷四

風土

法制

卷五

財計

卷六

器用

服用

食用

卷七

香

樂器

寶貨

金石

卷八

花木

卷九

禽獸

卷十

蟲魚

古跡

蠻俗

志異

金史正統全書

目錄

嶺外代答原序

入國問俗禮也矧嘗仕焉而不能舉其要廣右二十五
郡俗多夷風而疆以戎索海北郡二十有一其列于西
南方者蜿蜒若長蛇實與夷中六詔安南為境海之南
郡又內包黎獠遠接黃支之外僕試尉桂林分教寧越
蓋長邊首尾之邦疆場之事經國之具荒忽誕漫之俗
瑰詭譎怪之產耳目所治與得諸學士大夫之緒談者
亦云廣矣蓋嘗隨事筆記得四百餘條秩滿東擔東歸

邂逅與他書棄遺置勿復稱也迺親故相勞苦問以絕域事驟莫知所對者蓋數數然至觸事而談或能舉其一二事類多而臆得者浸廣晚得范石湖桂海虞衡志又於藥裏得所抄名數因次序之凡二百九十四條應酬倦矣有復僕問用以代答雖然異時訓方氏其將有考於斯淳熙戊戌冬十月五日永嘉周去非直夫記

欽定四庫全書

嶺外代答卷一

宋 周去非 撰

地理門

百粵故地

自秦皇帝并天下伐山通道略定揚粵為南海桂林象
郡今之西廣秦桂林是也東廣南海也交趾象郡也漢
武帝平南海離秦桂林為二郡曰鬱林蒼梧離象郡為
三曰交趾九真日南又稍割南海象郡之餘壤為合浦

郡乃自徐聞渡海略取海南為朱崖儋耳二郡置刺史于交州漢分九郡視秦若多其統之則一交州刺史耳至吳始分為二於是交廣之名立焉時交治龍編廣治番禺唐太宗分天下為十道合交廣為一置採訪使于護府于交州本朝皇祐中置安撫經略使于桂州西道帥府始於此至今八桂番禺龍編鼎峙而立復秦之故云

並邊

廣西西南一方皆迫化外令甲邕宜欽廉融瓊州吉陽
萬安昌化軍靜江府係沿邊柳賓貴橫鬱林化雷係次
邊總廣西二十五州而邊州十七靜江屬縣半抵徭峒
徭峒者五陵蠻之別也自靜江稍西南曰融州其境控
扼王江樂善宜良丈盈洪源從允牂牁夜郎諸蠻自融
稍西南曰宜州宜處羣蠻之腹有南丹州安化三州一
鎮荔波羸河五峒茅灘撫水諸蠻南丹者所謂莫大王

者也自宜稍西南曰邕州邕境極廣管溪峒羈縻州縣峒數十右江直西南其外則南詔也左江直正南其外則安南也自邕稍東南曰欽州欽之西南接境交趾陸則限以七峒水則舟楫日通自欽稍東曰廉州廉之海直通交趾自廉東南渡海曰瓊州萬安昌化吉陽軍中有黎母山環山有熟黎生黎若夫浮海而南近則占城諸蕃遠則接于六合之外矣

廣西省併州

廣西地帶蠻夷山川曠遠人物稀少事力微薄一郡不當浙郡一縣異時偏方割據境土褊小故並建荒為州縣而務觀美逮夫正統有歸六合混一乃省併晏州荔州今靜江府荔浦縣是也龍州今柳州龍城縣是也鬱州今藤州鍾津縣是也皆廢於唐之貞觀溇州今靜江府興安縣也廢於本朝之乾德嚴州今象州之來賓縣也澄州今賓州上林縣也蠻州今橫州永淳縣也牢州黨州今鬱林州南流縣也南儀州今藤州岑溪縣也繡

州今容州普寧縣也禺州北流縣也順州陸川縣也潘
州今高州茂名縣也南亭州玉州今欽州靈山縣也姜
州今廉州合浦縣也皆廢於開寶珠州今融州融水縣
也鎮寧州今宜州帶溪寨也賓州今高州信宜縣也蒙
州今昭州立山縣也皆廢於熙寧龔州今潯州平南縣
也平州今融州懷遠縣也白州今鬱林州博白縣也觀
州今宜州高峯寨也溪州馴州叙州今宜州北遐鎮思
立寨也皆廢於紹興夫州大矣廢而為縣若寨又不加

大焉又有不專縣寨者顧有廢二州而僅成一縣且或為鎮寨或廢一州而併入近縣者然則昔之為州無乃強名乎

五嶺

自秦世有五嶺之說皆指山名之考之乃入嶺之途五耳非必山也自福建之汀入廣東之循梅一也自江西之南安踰大庾入南雄二也自湖南之郴入連三也自道入廣西之賀四也自全入靜江五也乃若漳潮一路